



REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

VENDIM

Nr. 07, datë 27.01.2023

PËR
AKREDITIMIN PËR HERË TË PARË TË INSTITUCIONIT TË ARSIMIT TË LARTË
AKADEMIA E SIGURISË

Bordi i Akreditimit, bazuar në Ligjin Nr. 80, datë 17.09.2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për Funkcionimin e Organeve Kolegjiale të Administratës Shtetërore dhe Enteve Publike”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave Nr. 824, datë 24.12.2021 “Për miratimin e Kodit të Cilësisë së arsimit të lartë”, Vendimin e Bordit të Akreditimit, Nr. 1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit”, dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 27.01.2023, në kuadër të vendimmarrjes për akreditimin për herë të parë të institucionit të arsimit të lartë, Akademia e Sigurisë, me të dhënat si më poshtë:

- a) Emërtimi i institucionit të arsimit të lartë: **Akademia e Sigurisë**
- b) Organizimi i institucionit: **Publik**
- c) Lloji i institucionit: **Akademi**
- d) Njësitë kryesore të institucionit:
 - a. Fakulteti i Sigurisë dhe Hetimit
 - b. Kolegji Profesional i Formimit Policor
- e) Akti zyrtar i hapjes/licensimit: Vendim i Këshillit të Ministrave Nr. 185, datë 25.02.2015

pasi **mori në shqyrtim:**

- a. Dokumentacionin e Vetëvlerësimit, përfshirë të dhënat e përgjithshme institucionale,

- Raportin e Vetëvlerësimit dhe dokumentacionin mbështetës;
- b. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- c. Vlerësimin e cilësisë në përmbajtje, të kryer nga Grupi i Vlerësimit të Jashtëm, i përbërë nga ekspertë të huaj dhe vendas;
- d. Raportimin e Ekspertëve të Vlerësimit në mbledhjen e Bordit;
- e. Rezultatet e Vlerësimit të Jashtëm Institucional;
- f. Procedurën e vlerësimit të ndjekur dhe monitoruar nga ASCAL;
- g. Komunikimin e vërejtjet e institucionit në kuadër të këtij procesi;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore, procedurën dhe afatet e përcaktuara nga ASCAL për këtë proces;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimin e Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit të akreditimit janë nxjerrë në përputhje me gjetjet: pikat e forta, pikat e dobëta dhe afirmimet e identifikuar e verifikuara përmes dokumentacionit dhe vizitës në institucion;
- e. Rekomandimet e lëna janë në koherencë me gjetjet si dhe shkallën e përmbushjes së standardeve të cilësisë për institucionin në fjalë;
- f. Rezultatet e Vlerësimit të Jashtëm në lidhje me shkallën e plotësisimit të Standardeve Shtetërore të Cilësisë për Akreditimin e Institucioneve të Arsimit të Lartë në Republikën e Shqipërisë, sipas fushave janë: Fusha 1 “**përmbushen plotësisht**”, Fusha 2 “**përmbushen kryesisht**”, Fusha 3 “**përmbushen plotësisht**”, Fusha 4 “**përmbushen kryesisht**”, Fusha 5 “**përmbushen plotësisht**”.
- g. Vlerësimi përfundimtar i Grupit të Vlerësimit të Jashtëm për cilësinë akademike për këtë institucion është pozitiv, me mangësi si më poshtë:
 - 1. Mungesa e një sistemi të brendshëm të menaxhimit, të pavaruar nga sistemi informatik i policisë së shtetit.
 - 2. Mbështetje e ulët financiare në kuadër të projekteve kërkimore shkencore, publikimeve dhe pjesëmarrjes në konferenca.

Mbështetur mbi rezultatet dhe arsyetimin e mësipërm, Bordi i Akreditimit,

VENDOSI:

- 1. **Vlerësimin përfundimtar POZITIV** për institucionin e arsimit të lartë, **Akademia e Sigurisë**, me rekomandimet sipas shtojcës së këtij vendimi.
- 2. **Akreditimin institucional** të institucionit të arsimit të lartë, **Akademia e Sigurisë**, me kohëzgjatjen prej **5 (pesë) vite**.

3. Afati përfundimtar i vlefshmërisë së akreditimit të institucionit është **26/01/2028**.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin e rekomandimeve sipas shtojcës bashkëlidhur.

Ky vendim hyn në fuqi menjëherë.

BORDI I AKREDITIMIT

SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar
DARINKA PIQANI		Anëtar

DRITAN NAÇE



Anëtar

INDRIT HOXHA



Anëtar

Shtojca

Rekomandimet në zbatim të vendimit të Bordit të Akreditimit Nr. 07, datë 27.01.2023,
“Për për herë të parë të institucionit të arsimit të lartë, **Akademia e Sigurisë**”, janë si vijon:

1. Institucioni, të krijojë e verë në përdorim të studentëve një sistem informatik të dedikuar për menaxhimin akademik të institucionit, i pa varuar nga sistemi informatik i policisë së shtetit, ku studentët të kenë akses në programet e studimit, syllabuset, etj.
2. Institucioni, të rrisë mbështetjen financiare për personelin akademik, në kuadër të projekteve kërkimore shkencore, publikimeve të librave shkollorë, si dhe pjesëmarrjes në konferenca.
3. Institucioni, të promovojë më tej mobilitetin e studentëve dhe personelit akademik.
4. Institucioni, të marrë masa për rritjen e gjurmueshmërisë së studentëve të diplomuar, si edhe të rrisë bashkëpunimin me ta.

Në përmbushje të rekomandimeve të mësipërme, **Akademia e Sigurisë**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

